

SECTION XIII.

731

long temps, quand il luy demanda, comment l'ame (laquelle les Academiciens comparent à vn Matelot ou conducteur de nauire) pourroit nauiger apres qu'elle seroit séparée de sa barque: mais il failloit que l'Academicien demanda reciproquement à Galien, s'il ne pourroit point nager sans barque?

Du siege corporel de l'Ame.

SECTION XIII.

TH. En quelle partie du corps se tient l'ame? MY. Nous auons delia dict, que l'ame estoit espandue par tout le corps, comme la forme en la matiere.

TH. D'où vient doncques que les Latins appellent *Decordes & socordes* les sots, estourdis, fats, & lourdaux, comme s'ils n'auoyent point de cœurs; & les prudents & bien aduisez, *Cordati & corculi*? MY. S. T. Pource qu'on a creu de toute ancienneté, que l'ame estoit au cœur: car ainsi l'ont escript Hippocrate^a, Chrysippe^b, Aristote^c, & Alexandre Aphrodisée^d. A ce propos conuient, ce que nous lisons tant souuent en l'escripture^e, que Dieu recerche les secrets des cœurs: Et en autre part^f, que Dieu a faiet le cœur siege de la prudence: toutes lesquelles autoritez i'expose ainsi, que ie raporte la principale partie à tout le corps par la figure des Rhetoriciens appellée Synecdoche, pource que le cœur est le premier membre, qui vit, & le dernier, qui meurt, comme Galien a escript^g:

^a Il dit au l. du cœur que l'En-
tendement à son
siege au cou-
sté gauche du
cœur.
^b Ainsi que dit
Gallien au liu.
*De placitis Hip-
pocratis & Pla-
tonis.*

^c Au 2. l. c. 1. &
10. Et au 3. l. c.
^d des parties
des animaux
Et au 3. liur. de
l'histoire des
animaux. 5. Et
au liure de la
durée & brie-
ueté de la vie.
^e Au li. de l'a-
me.

^f Pseaume 4.
& 21. & 44. &
94.
^g Ezechiel c. 14.
Job chap. 39.
Au 5. chap.
De iussu a. 1. 1. 1.

^a Au liure De
Placitis Hippo-
cratis.
^b Au 4. l. de la
Physique.

Toutes-fois iceluy ayât suyuy Platon enseigne
que l'ame fait son principal domicile au
cerueau, & apres luy Auerroës ^b aussi, *Pource,*
dit-il, *que les animaux se peuuent remuer de place en*
place n'ayans point de cœur, non pas s'ils ont la teste
coupée: mais son Hypothese est faulſe, puis que
nous voyons que les Serpents & autres infe-
ctes ne laissent pour celà de se mouuoir, ni les
mouches de voler, apres qu'on leur a trencé
la teste, combien qu'ils n'ayent point de cœur.
Mais quand à ce que les hommes deuiennent
furieux, s'ils ont la meninge du cerueau offen-
sée (d'où prend son argument Galien pour preu-
uer que le siege de l'ame est au cerueau) il ne
faut pas s'y arrester, si on ne veut estre trom-
pé, comme luy, puis qu'il suffit pour mettre en
fureur vn homme, qu'il aist le Diaphragme
percé, ou autrement bleissé en quelque sorte:
de la vient que les Grecs appellent *σπερτινός*
les furieux *ἀπὸ τοῦ σπένος*, de ceste partie, qui est
fort-proche du cœur.

TH. Quel inconuenient y auroit-il si nous
disions que le siege de l'ame est au cœur, ou au
cerueau? MY S. Que le reste du corps seroit sans
ame & sans forme, si toute l'ame estoit au cœur,
ou au cerueau: car elle seroit ainsi, comme vn
corps circumscrip̃t dans quelque cauité. D'a-
uantage, si le cœur estoit instrument de la rai-
son, prudence, & Entendement, les bestes bru-
stes porroyent aussi raisonner & entendre, &
les enfans seroyent plus sages que les vieil-
lards, d'autant qu'ils ont le cœur plus sain &
entier. Mais quant à ce, que l'ame vſe des sens
comme

comme de satellites & messagers, elle ne s'en feroit que pour recevoir interieurement les choses sensibles de l'exterieur, mais on ne void pas, que les ners organes des sens ne les portent point au cœur, comme au domicile de l'ame, mais plustost au cerueau. Parquoy, il faut prendre ceste sentence, par laquelle il est dict, que Dieu a donné à la prudence le cœur pour son siege, ne plus ne moins que s'il estoit dict, que Dieu a donné à l'ame d'estre prudente: combien que ie ne me pas que le cœur ne soit le principal instrument de la vie, lequel a bien tant grande familiarité par le moyen des arteres carotides espandues au cerueau, qu'au mesme instant qu'une chose a pleu, ou despleu aux yeux, aux oreilles, au palais, ou à quelque autre organe des sens, le cœur s'en ressent dès aussi tost, & espend sur le visage exterieurement du sang, ce qui est tesmoigné par la rougeur, ou le reserre interieurement au tour de ses entrailles, comme il aduient, quand on est passe.

THE. Si les instruments de la memoire & de la phantasie sont au cerueau, ou au cœur, pourquoy n'y sera aussi l'instrument de l'Entendement? MY. C'est vn'autre opinion d'Aristote, laquelle ne seroit à mespriser, si elle estoit fondée dessus quelque bonne raison, mais il faudroit ainsi, que les animaux, qui n'ont point de cœur, ni de cerueau, n'eussent point aussi de memoire, comme vne infinité d'insectes, qui sont sans cœur & sans cerueau, & toutesfois ils ont meilleur memoire & beaucoup plus parfaite que plusieurs hommes, puis qu'on les void re-
tourner

tourner en leurs domiciles long temps apres qu'ils en sont deslogez, & ce d'un fort loing & distant interualle, & qu'ils ont soucy en prouoyant à l'aduenir, en faisant bonne prouision pour l'Hyuer de ce, qui leur est necessaire, & en rongeanr le germe du Froment, à fin qu'il ne pululle & se change en herbe: toutes lesquelles industries nous voyons ordinairement en la For-

^a Au ix. li. des Animaux.

my. Et certes Aristote ne doit pas plustost ^a appeller le cœur instrument de l'ame, que l'œil, que la main, qu'un autre membre du corps, par lequel la volonté de l'ame est signifiée; car tout ainsi que l'ame reçoit par quelques membres les choses exterieures, tout de mesme elle exprime par quelques autres ce, qu'elle a dedans; & mesmes il y-a quelques membres, qui ont ces deux offices: car les yeux apperçoient les choses sensibles & declarent les affections interieures de l'ame: item, la main porte la cognoissance de plusieurs qualitez sensibles en l'ame, la mesme exprime tacitement par l'action & par les gestes de l'Ouurier ce, qu'il a interieurement en son ame, comme les meditations, les Arts, les sciences, les vertus, & les vices.

T H. Pourquoi veux-tu que l'ame soit un corps, si elle est contenue au cœur, ou au cerueau? M V. Pource que toute chose, qui est circumscripte, est un corps, si tant est, qu'elle soit d'elle-mesme en un lieu.

T H E. Mais on m'a autre-fois enseigné, que l'ame estoit par tout le corps, & qu'il n'y auoit partie, en laquelle elle ne fust toute. M V. Ainsi que ie puis entendre, Gregoire Nicene a esté
l'Autheur

SECTION XIII. 735

L'Autheur de cest axiome, à fin qu'il ne fust contrainct de confesser, que l'ame estoit corporelle, s'il concedoit à Aristote^a, qu'elle fust au cœur seulement; ou à Platon, qu'elle fust au cerueau, comme vne Pallas en sa forteresse: toutesfois, combien que j'aye des-là démontré, que l'ame est infuse par tout le corps, comme la forme, en la matiere; nean-moins on ne peut dire proprement, qu'elle soit par tout le corps, & qu'il n'y aist partie, en laquelle elle ne soit toute: pource que ni la forme, ni la matiere ne sont pas corps d'elles-mesmes, si elles ne sont cōiointes toutes deux ensēble; nonobstāt que Chrysippus & Cleantes^b ayent iugé, que les formes estoient corporelles, pource, disoyent-ils, que la semblance & figure de quelque chose ne se rapporte qu'au corps, laquelle nean-moins tient son origine de la forme: mais ceste raison est pleine de falace.

^a Au 2. li. du mouuēment des animaux c. 10. & au 3. li. des parties des animaux c. 4. & au 3. li. de l'hyſt. des animaux.

^b Ainsi qu'escriuit Nemefius au 2. li. de la nature de l'homme.

T H. Pourquoiuy penſes-tu mal-conuenable, que l'ame soit par tout le corps, & qu'il n'y aist partie en iceluy, en laquelle elle ne soit toute?
M Y. Pource que rien ne se peut appeller tout, s'il ne se diuise en parties; aussi ne peut-on pas entendre le tout, sans entendre ses parties: item, celui, qui met l'ame par tout le corps, & qui veut, qu'elle soit tout ensemble en chacune des parties d'iceluy, ne se contredit pas seulement, mais aussi diuise les parties hors les parties: pource que les organes du corps ne sont pas seulement ſeparez les vns des autres, ſelon leur lieu & quantité, mais aussi chacun des membres d'iceluy: l'ame ne peut donc pas en vn meſ-

me